

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ
ԸՆԴՀԱՆՈՒՐ ԺՈՂՈՎՐ

Ապրիլի 13-ին տեղի ունեցավ ՀՍՍՀ ԳԱ տա-
րեկան ընդհանուր ժողովը, որին ներկա էին
ընկ. ընկ. Կ. Ս. Գեմիլյանը, Բ. Ե. Սարգի-
սյանը, Ֆ. Ս. Սարգսյանը, Լ. Ն. Ներսիսյանը,
ՀՍՍՀ Մինիստրների խորհրդի նախագահի տե-
ղակալ Ռ. Ք. Սվեյալովան, ՀԿԿ Կենտկոմի գի-
տության և ուսումնական հաստատությունների
բաժնի վարիչ Յա. Ի. Խաչիկյանը: Ժողովը
ներածական խոսքով բացեց ՀՍՍՀ ԳԱ պրե-
զիդենտ, ակադեմիկոս Վ. Հ. Համբարձումյանը:
Նա նշեց, որ հաշվետու տարում ակադեմիայի
և նրա ստորաբաժանումների գործունեության
գլխավոր ուղղությունն է եղել գիտական աշ-
խատանքի արդյունավետության և որակի հե-
տադա բարձրացումը: Խոսելով մեր հասարա-
կության կյանքում գիտության հարաճուն դերի
մասին, Վ. Հ. Համբարձումյանն ընդգծեց, որ
ՀԿԿ Կենտկոմը, հանրապետության կառավա-
րությունը և ՍՍՀՄ գիտությունների ակադեմիան
բազմակողմանի օգնություն են ցույց տալիս
Հայաստանի գիտությունների ակադեմիային:

Կանգ առնելով ակադեմիայի ստորաբաժա-
նումների գործունեության վրա, Վ. Հ. Համ-
բարձումյանը նշեց հասարակական գիտություն-
ների դերը: Նա ընդգծեց Ռուսաստանի հետ
Արևելյան Հայաստանի միավորման 150-ամյա-
կին նվիրված աշխատությունների և հայ ար-
վեստին նվիրված միջազգային երրորդ գիտա-
ժողովի նյութերի կարևոր նշանակությունը:
Անդրադառնալով ֆունդամենտալ գիտությու-
նների դերին, Վ. Հ. Համբարձումյանն ասաց, որ
մեր հանրապետության ժողովրդական տնտեսու-
թյան զարգացման հիմնական ուղիներով են
որոշվել գիտական հետազոտությունները էլեկ-
տրոնիկայի, ռադիոէլեկտրոնիկայի, քիմիայի
և այլ բնագավառներում:

ՀՍՍՀ գիտությունների ակադեմիայի 1978 թ.
գործունեության հիմնական արդյունքների մա-
սին զեկուցումով հանդես եկավ ՀՍՍՀ ԳԱ գլխա-
վոր գիտնական-քարտուղար, ակադեմիայի թղթ-
թակից անդամ Գ. Ա. Գալստյանը: Նա ասաց, որ
անցած տարում ՀՍՍՀ ԳԱ գիտական և կազ-
մակերպական գործունեությունը նպատակա-

մղված է եղել 10-րդ հնգամյակում հանրապե-
տության ժողովրդական տնտեսության առջև
դրված խնդիրների կատարմանը: Ժողովրդական
տնտեսության մեջ գիտության և տեխնիկայի
նվաճումների արմատավորման ուղղությամբ
զգալի աշխատանք է կատարվել: Անցած տարի
մշակվել է 482 թեմա ընդգրկող 170 պրոբլեմ:
Գ. Ա. Գալստյանը նշեց, որ ՀՍՍՀ ԳԱ գիտական
հիմնարկների և արտադրական կազմակերպու-
թյունների կոլեկտիվներն ընդհանուր առմամբ
հաջողությամբ են կատարել ֆիզիկամաթեմա-
տիկական, տեխնիկական, քիմիական, երկրա-
բանական և հասարակական գիտությունների
բոլոր հիմնական ճյուղերի գծով պլանավորված
աշխատանքները:

Վերջում զեկուցողը կանգ առավ գիտական
խորհուրդների գործունեության, գյուտարարական
և պատենտա-լիցենզիոն աշխատանքի, կադրերի
պատրաստման և այլ հարցերի վրա:

Հանրապետության գիտությունների ակադե-
միայի գործունեության հիմնական արդյունքնե-
րի վերաբերյալ զեկուցման քննարկմանը մաս-
նակցեցին ՀՍՍՀ ԳԱ ակադեմիկոս Ա. Բ. Խալ-
բաղյանը և ՀՍՍՀ ԳԱ թղթակից անդամ
Ա. Ս. Ասլանյանը:

Ժողովում Վերջին պրոցեսներն անօրգանա-
կան նյութերի ստացման պրոբլեմում զեկու-
ցումով հանդես եկավ ֆիզիկամաթեմատիկա-
կան գիտությունների դոկտոր Ա. Գ. Մեծաբաղյանը:

ՀՍՍՀ գիտությունների ակադեմիայի ընդ-
հանուր ժողովում տեղի ունեցավ ՀՍՍՀ ԳԱ պար-
զենների հանձնման ամենամյա հանդիսավոր
արարողություն:

Բեղմնավոր գիտական գործունեության հա-
մար Վեժնարման գրիտ արժանացավ ՀՍՍՀ ԳԱ
ակադեմիկոս Ա. Գ. Խաչիկյանը: Գիտության
զարգացման գործում ներդրած մեծ ավանդի
համար Վաստակագրվա պարգևատրվեցին
ՀՍՍՀ ԳԱ ակադեմիկոսներ Գ. Գ. Սևակը, Գ. Բ.
Ղաբիլյանը, ՀՍՍՀ ԳԱ թղթակից անդամ-
ներ Ա. Ա. Մաթևոսյանը, Գ. Մ. Ավագյանը,
երկրաբանական-հանքարանական գիտությու-
նների դոկտոր Գ. Ն. Փիլյանը, ֆիզիկամաթեմա-

տիկական գիտությունների դոկտոր Է. Ն. Խաչիկյանը: 1978 թ. գիտահետազոտական հաշոգ

գործունեության համար 30 գիտնականներ արժանացան «Գոլոմաստագրի»:

ՀՍՍՀ ԳԱ ԱՆՏՐՈՒԹՅԱՆ ԵՎ ՏՆՏԵՍԱԴԻՏՈՒԹՅԱՆ
ԲԱԺԱՆՄՈՒՆՔԻ ՏԱՐԵԿԱՆ ԺՈՂՈՎՐ

Ապրիլի 10-ին տեղի ունեցավ ՀՍՍՀ ԳԱ պատմության և տնտեսագիտության բաժանմունքի տարեկան ժողովը: Բաժանմունքի գիտական հիմնարկների 1978 թ. գործունեության մասին հաշվետու զեկուցմամբ հանդես եկավ պատմության և տնտեսագիտության բաժանմունքի ակադեմիկոս Գ. Բ. Ղաբիրջանյանը: Նա ասաց, որ հաշվետու տարում բաժանմունքի գիտական հիմնարկներն իրենց աշխատանքի հիմքում դնելով ՍՄԿԽ XXV համագումարի որոշումները, ծավալուն աշխատանք են կատարել գիտահետազոտական պլանների կատարման ուղղությամբ: Բաժանմունքի գիտական հիմնարկները 37 պրոբլեմների գծով մշակել են 118 թեմա, ավարտել են 26-ը: Այնուհետև Գ. Բ. Ղաբիրջանյանն անդրադարձավ բաժանմունքի գիտական հիմնարկներին՝ տնտեսագիտության, պատմության, հնագիտության և ազգագրության, արևելագիտության ինստիտուտների, բաժանմունքի բյուրոյի և բաժանմունքի անդամների

գործունեությանը, նշելով ձեռք բերված հաջողություններն ու եղած թերությունները:

Գ. Բ. Ղաբիրջանյանի զեկուցման շուրջը ծավալված մտքերի փոխանակությանը մասնակցեցին ՀՍՍՀ ԳԱ ակադեմիկոսներ Ա. Ա. Առաքելյանը, Լ. Ս. Խաչիկյանը և Բ. Ն. Առաքելյանը: Նրանք հավանություն տվեցին հաշվետու զեկուցմանը և խոսեցին գիտական հետազոտությունների արդյունավետության և արտադրանքի որակի բարձրացման, գիտական կոորդինացիայի բարելավման, երիտասարդ կադրերի պատրաստման, գիտական գործուղումների ղերվածքի և տպարանների աշխատանքի բարելավման, ազգագրական հուշարձանների ու օտար աղբյուրների հրատարակության անհրաժեշտության և այլնի մասին: Մտքերի փոխանակությունն ամփոփեց Գ. Բ. Ղաբիրջանյանը:

Ժողովում «Հայկական ՍՍՀ սոցիալ-տնտեսական զարգացման կոմպլեքսային ծրագրի մասին» զեկուցմամբ հանդես եկավ ՀՍՍՀ ԳԱ թղթակից անդամ Մ. Խ. Քոթանյանը:

Ընտրվեց բաժանմունքի բյուրոյի նոր կազմ:

ԿՍՍՀ ԳԱ ՓԻԼՍՈՓԱՅՈՒԹՅԱՆ ԵՎ ԲԱՆԱՍԻՐՈՒԹՅԱՆ
ԲԱԺԱՆՄՈՒՆՔԻ ՏԱՐԵԿԱՆ ԺՈՂՈՎՐ

Ապրիլի 11-ին տեղի ունեցավ ՀՍՍՀ ԳԱ փիլիսոփայության և բանասիրության բաժանմունքի տարեկան ժողովը: Բաժանմունքի գիտական հիմնարկների 1978 թ. գործունեության մասին հաշվետու զեկուցմամբ հանդես եկավ փիլիսոփայության և բանասիրության բաժանմունքի ակադեմիկոս քարտուղարի պաշտոնակատար, ՀՍՍՀ ԳԱ թղթակից անդամ Գ. Ա. Բրուտյանը: Զեկուցողը վերլուծեց բաժանմունքի գիտական հիմնարկներին՝ փիլիսոփայության և իրավունքի, լեզվի, դրականության և արվեստի ինստիտուտների, բաժանմունքի բյուրոյի և բաժանմունքի անդամների 1978 թ. գործունեությունը: Գ. Ա. Բրուտյանը նշեց ձեռք բերված հաջողություններն ու տեղ գտած թերությունները, խոսեց բաժանմունքի առջև ծառացած խնդիրների մասին:

Հաշվետու զեկուցման շուրջը ծավալված մտքերի փոխանակությանը մասնակցեցին ՀՍՍՀ ԳԱ փոխպրեզիդենտ Ա. Ռ. Հովնանեիսյանը, ՀՍՍՀ

ԳԱ ակադեմիկոսներ Ա. Տ. Ղանալյանը և Գ. Բ. Զախեկյանը: Նրանք խոսեցին աշխատանքային կարգապահության բարձրացման, գիտական կոորդինացիայի բարելավման, գիտական հետազոտություններում հաշվիչ տեխնիկայի օգտագործման, գիտական կադրերի պատրաստումը բարելավելու, մեկ հատորով հայ ժողովրդի պատմությունը սփյուռքահայությանը ներկայացնելու, հրատարակության ներկայացվող ձեռագիր աշխատությունների որակը բարելավելու և բազմաթիվ այլ հարցերի մասին:

Ժողովում գիտական զեկուցումներով հանգես եկան իրավագիտության դոկտոր Ա. Ա. Նալյանը և ճարտարապետության դոկտոր Ս. Խ. Մնացականյանը: Ա. Ա. Նալյանը խոսեց միջազգային իրավունքի մեջ վաղեմիության պրոբլեմի, իսկ Ս. Խ. Մնացականյանը՝ Ախթամարի պատկերազարկային համակարգի մասին:

Ընտրվեց բաժանմունքի բյուրոյի նոր կազմ:

ԱՐՏԱՇԵՍ ԾԱՀԱՋԱՐՑԱՆ